

Brjef stjórnarráðsins til sýslumannsins í Mýra- og Borgarfjarðarsýslu um hlunnindi handa sparisjóði. 79
8. júlí

Með brjefi, dags. 5. apríl þ. á., hafið þjer, herra sýslumaður, fyrir hönd sýslunefndarinnar í Mýrasýslu farið þess á leit, að sparisjóði Mýrasýslu verði veitt hlunnindi þau, sem tiltekin eru í tilskipun 5. jan. 1874.

Eftir að hafa yfirfarið og athugað meðsend lög fyrir sjóðinn, vill stjórnarráðið veita nefndum sjóði um 5 ár, frá 1. þ. m. að telja, hin umbeðnu hlunnindi, með þeim skilyrðum, að eigi rýrni trygging sú, sem nú er fyrir því, að sjóðurinn standi í skilum, að ákvæðanna um reikningsskil í lögum sjóðsins sje nákvæmlega gætt og að forstöðunefnd sjóðsins sendi hingað á ári hverju endurrit af ársreikningi hans í fyrirskipuðu formi.

Svo ber og að senda hingað skýrslu um hverja þá breytingu, sem verða kann á lögum sjóðsins.

Þetta er yður, herra sýslumaður, til vitundar gefið til birtingar fyrir sýslunefndinni.

Reglugjörð

80
7. apríl

fyrir Strandasýslu um lækning hunda af bandormum.

1. gr.

Í hverjum hreppi sýslunnar skulu ráðnir af hreppsnefnd 1 eða fleiri menn til að hafa á hendi og framkvæma lækningu hunda af bandormum.

2. gr.

Hreppsnefnd í hverjum hreppi skal hafa bók, löggilta af sýslumanni, er borgist af sýslusjóði; skal hún á ári hverju rita í hana skrá yfir hundaeigendur og tölu hunda þeirra, svo og tölu þeirra hunda, sem lækningamenn gefa skýrslu um að þeir hafi haft til lækninga frá hverjum einum. Fyrir hver árslok skal hreppsnefnd senda oddvita sýslunefndar skýrslu samhljóða bókinni.

3. gr.

Alla hunda skal hreinsa einu sinni á ári, í nóvembermánuði, með areka-dufti eða kamaladufti, og baða þá strax á eftir úr öruggu fjárbaði, og skulu þá saurindi hinna hreinsuðu hunda vandlega brend.

4. gr.

Hundana skal hreinsa á einum eða fleiri stöðum í hverjum hreppi, og skal viðkomandi hreppsnefnd sjá um byggingu, á kostnað hreppsins, á sjerstökum kofum

80 til þess að geyma hundana í meðan á lækningunni stendar. Lækningamenn 7. apríl skulu skyldir að auglýsa að minsta kosti með viku fyrirvara dag þann eða daga, er koma á með hundana til lækningar. Hver hundeigandi skal skyldur að flytja hunda sína á lækningastaðina í ákveðinn tíma og hjálpa til að gefa inn hundunum, endurgjaldslaust. Hreinsun hunda utan lækningastaða er með öllu fyrirboðin.

5. gr.

Verði vart við bandorma í einstökum hundum milli lækningatíma, skulu eigendur þeirra tilkynna það hreppsnefndaroddvita, sem sjer um lækningu þeirra svo fljótt sem unt er samkv. 3. gr. Þó skulu þeir eigi vera undanþegnir lækningu á hinum fyrirskipaða tíma í nóvember.

6. gr.

Nú valda lögleg forföll að hundar koma eigi til lækninga, á ákveðnum tíma, skal húsbóndi hans færa hann til lækningamanns svo fljótt sem unt er að tilvísun hreppsnefndar, ella verða fyrir sektum.

7. gr.

Sýslunefnd annast útvegum hreinsunarlyfjanna, sem borgast úr sýslusjóði. Einnig skal greiða lækningamönnum úr sýslusjóði 30 aura fyrir að hreinsa hvern hund.

8. gr.

Brot gegn ákvæðum reglugerðar þessarar varðar alt að 10 kr. sektum, sem sýslumaður ákveður eftir málavöxtum; sektin rennur í sýslusjóð.

9. gr.

Hreppsnefnd skal hafa nákvæmt eftirlit með því, að reglugjörð þessari sje fylgt.

10. gr.

Reglugjörð þessi öðlast gildi þegar hún er birt í stjórnartíðindunum, og er með henni úr gildi numin reglugjörð fyrir Strandasýslu um lækningu hunda af bandormum, sem samþykkt var af aðalfundi sýslunefndarinnar í Strandasýslu 1898.

Framanrituð reglugjörð var samþykkt af sýslunefnd Strandasýslu á aðalfundi hennar 7. apríl 1913.

H. Kr. Júlíusson. Guðm. G. Bárðarson. Gunnlaugur Magnússon.

Sigmundur Lýðsson. Björn Halldórsson. Ingim. Guðmundsson. Böðvar Eyjólfsson.